

清·葉桂撰

本草再新



清·葉桂撰

本草再新



泄痢烏鬚黑髮

川棟子

味苦性寒有小毒
入心脾腎三經

可瀉心包之火可清膀胱

之熱利小便利行經血治疝氣療瘡疥

皂莢

味苦性溫有小毒
入脾肺二經

治風濕去垢膩療無名腫毒○

皂刺搜風殺蟲其鋒銳直達病所潰散癰疽治腫

毒始乳風癰癰瘡胎衣不下

以其尖鋒善走能達
病所故可下胎衣

海桐皮

味苦性平無毒
入肝脾二經

祛風利濕通經絡止腰膝疼

殺蟲療癰

底本版框規格：長178mm×寬126mm



本草再新・解題

清・葉桂撰。成書於道光二十一年（公元一八四一年）。

葉桂，字小峰。江蘇蘇州人。

此書基本爲清・吳儀洛所著《本草從新》刪改增補而成。卷首有『泡製論』、『藥性總義』，以下分十二卷，包括草、木、葉、菜、穀、金石水土、禽獸、蟲魚鱗介、人身、雜物十部，收藥六百餘種。每藥述以性味、有毒無毒、歸經、主治功效等。

今據清・道光二十一年（公元一八四一年）清介堂藏版白從瀾刻本影印。

（王咪咪）



本草再新・總目

原序	四一八
叙	四二〇
凡例	四二三
總目	四二六
泡製論	四二八
藥性總義	四二九
卷一	
草部目錄	四三五
草部上	四三七
卷二	
草部目錄	四五二
草部中	四五四
卷三	
草部目錄	四六四
草部下	四六六
卷四	
木部目錄	四七四
木部	四七六
卷五	
果部目錄	四八六
果部	四八八
卷六	
菜部目錄	四九七
菜部	四九八
卷七	
穀部目錄	五〇四



穀部

五〇五

卷八

金石水土部目錄

五一〇

金石水土部

五一二

卷九

禽獸部目錄

五二〇

禽獸部

五二一

卷十

蟲魚鱗介部目錄

五二七

蟲魚鱗介部

五二八

卷十一

人身部目錄

五三六

人身部

五三七

卷十二

雜物部目錄

五三九

雜物部

五四〇



道光辛丑年孟夏月

刊

本草再新

唐介堂藏板



原序

昔謂不爲良相當爲良醫蓋醫藥一端亦可以變理陰陽濟人生活人秉陰陽之氣以成其間寒暑相侵憂喜相搏嗜慾不節起居無時皆足爲病設此大法助上天好生之德免元元天扎之虞實濟世之慈航人生之永賴也故上自神農以及岐伯雷公闡發奧義洞見臟腑并有泡製等法垂之於世救藥性之偏勝佐藥力之未逮尤爲後世用藥之津梁迨漢紀以

本草再新

序

一

來名賢輩出論醫論藥各具隻眼仲景元化最爲傑出議論症治之法委曲詳盡惟於藥品之性未免言之過略予歷觀各代藥性之書互有發明亦多罣漏惟前明李氏本草綱目可謂收羅廣而編纂精無如引證太多似嫌其雜且藥品有南北之產來症有新奇之異今昔來症與人之元氣強弱固有不同而產藥南北異性氣味厚薄亦多岐出宜隨時權變而治之方克有濟如其藥昔有今無未便執古方而泥古



藥如昔無今有勢必用斯品而療斯病是藥性之講
求與論症議方交相重也近世各家會輯藥性者甚
夥亦補前人所未備均有可取惜其博焉不精語焉
不詳故予不能已於言而有斯編之續也非敢自詡
爲良醫之治病猶良相之治國然揆之好生惡死濟
世救人之心似有同情也用弁數言於首後之君子
尙其諒之姑蘇小峯葉桂序

本草再新

序

二



敘

器非求舊學貴日新醫何爲獨不然良醫之於藥也
猶百工之於利器儒者之於學業也漢千帝時徵天
下通知方術本草者又齊人樓護幼隨父爲醫能誦
醫經方術本草數十萬言出入貴戚家爭延爲上客
其時去古未遠故古經之傳學者咸肄業及之然舊
經藥僅三百餘種至陶隱居增爲七卷而本草一新
唐顯慶中增藥品一百十餘爲唐本草蜀孟景繼增
本草再新

序

一

之爲蜀本草而本草又一新及宋開寶中別加詳定
復增百三十餘嘉祐初掌禹錫林億等更爲補註凡
新舊藥品至一千八十有奇其類既富其用亦愈新
其他專門名家見於歷代藝文志及通志通考諸書
者又不下數十家日異月新洵未易爲更僕數至明
代李氏時珍集諸家之大成補昔賢所未備獨出新
意取正名爲綱分釋爲目有一千八百九十餘品蒐
羅之富薈萃之精誠醫學之淵海矣雖然博學將以



說約也因時貴能制宜也苟存其名而無其物或存其說而無其功雖新猶弗新也讀百萬言之簡編不能得一卷之用竭數十年之記誦不能濟一時之需陳陳相因又奚取材焉且夫物產之有其宜也取用之有所忌也稱名之有不同也古之所珍或爲今之所賤也古之所棄或爲今之所收也倘規錯矩者固不可語於討論之功刻舟求劍者亦不可語於宏通之學也嘗試論之如茅苴之樂有子而證諸今日獨

本草再新

序

二

用過泄之車前則敗矣卷耳之供常蔬而徵諸今日發汗散風之蒼耳則惑矣芍藥之和五味而考諸今日白補而收赤散而瀉之劑則慎矣人獲產於上黨或產於潞州而較諸今日遼東朝鮮之品則歧矣上下數千年間治海桑田且不可知矧區區草木之精華能保無臭味差池性質變更者而猶泥於古說之紛紛不折衷今人之論正譬猶取逢掖章甫之制強爲今人之衣冠慕茹毛飲血之風強爲今人之飲食



吾知其不適於體也 國朝吳遵程先生本草從新
爲近日最新之本取舊說所流傳參以及身所閱歷
最爲切於時用然至今又數十年矣閱歷之深取材
之當則尙有未之逮者吳門葉小峯先生以醫術名
噪當世乃起而繼之爲本草一書略其所已詳增其
所未及卽居恒日用之物皆可供藥籠之資洵濟世
之慈航也余於書肆中偶得此編見其卷帙無多而
決擇精密簡而能該遍質諸業醫家皆嘖嘖掛齒頰

本草再新

序

三

稱道弗衰余深恐其流傳不廣湮沒不彰爰詳爲校
勘付諸剞劂顏其書曰再新庶不沒先生嘉惠後學
之意是書也以爲吳氏之功臣可也卽推而上之以
爲輿農之功臣亦無不可也
道光辛丑孟夏臨桂白從瀛謹序



凡例

一註本草者當先註明其所以主治之由與所以當用之理使讀之者有義味可咀嚼也茲集藥性病情互相闡發庶便資用若每處皆釋則重複煩瑣今並於證治要緊關頭簡練加註如畫龍點睛一覽醒悟讀者體會之可也

一本草藥味註釋之家不少而配列入方之家更多往往於每味之下雜註何方引用然古方甚多何

本草再新

凡例

一

能駭載不但挂一漏萬且易混眼目今但於每藥下註明治用使觀者易知而免龐雜

一上自神農本草經以至李氏綱目俱選有收載自綱目以後收載絕少如燕窩洋參之類用治甚多從前俱所失收茲集俱爲增入

一自古本草以至近今本草俱有是名而今並無是藥者如預知子之類俱爲削去

一藥品主治諸家析言者少統言者多如治痰之藥



有治濕痰者有治燥痰者諸書第以除痰概之頭痛之藥有治內傷頭痛者有治外感頭痛者諸書唯言治頭痛而已如遇相反之證未可混施舉此二端其餘可以類推矣今於每藥註明治用其痰之濕燥頭痛之虛實而是症宜用不宜用已臆然分晰矣讀者領會之日無歧誤

一每藥先辨其氣味與性次著其所入經絡乃爲發明其功用而以主治之證具列於後其所以主治

本草再新

凡例

二

之理卽在前功用之中不能逐款細註讀者詳之

一徐之才曰藥有宣上升下通補瀉瀉滑燥濕卽謂行曰宣也

輕重十種是藥之大體而本經不言後人未述凡

用藥者審而詳之則靡所失遺矣今爲分闡以冠

於諸藥之首此十劑也陶弘景加寒熱二劑茲不具述然本集燥劑卽陶氏之熱劑而

通劑乃徐氏之燥劑也

一藥品主治已註明某臟某腑茲更言入某經絡以

便學者了然心目

